

2021
AÑA DI RECUPERACION

ISLA(•)NLINE

2021

Diabierna 23 April 2021

Email: IslaOnline@gobierno.aw Tel: 528-4900

2021

AÑA DI RECUPERACION

ISLA ONLINE
NOTICIA DI GOBIERNO



GOBIERNO DI ARUBA



Prome Minister Evelyn Wever-Croes: GOBIERNO TA ANUNCIA CAMBIONAN DEN MANEHO DI COVID VIGENTE ENTRANTE DIALUNA 26 DI APRIL



Diabierna 23 di april Prome Minister sra. Evelyn Wever-Croes a anuncia flexibilisacion di reglanan di Covid. Esaki ta posibel como cu a mira reduccion den e cantidad di casonan activo. Te cu diahuebs 22 di april tabata 350 caso activo compara cu dia 1 di april cu tabatin 704. Ainda tin un average di 36 caso nobo pa dia, cual ta significa cu e riesgo tey ainda, sinembargo ta bayendo den bon direccion.

E SITUACION NA HOSPITAL

Te cu 22 di april tabatin 39 persona den hospital di cual 15 ta den cuido intensivo. Lamentablemente si tuma nota di e cifranan ta mira cu tin 95 persona cu a fayece cu tabatin Covid na momento cu nan a fayece.

VACUNACION

Ora cu ta considera flexibilisacion di reglanan, Gobierno no ta tene cuenta cu e cantidad di e casonan activo solamente, Gobierno ta mira e situacion di vacuna tambe. E sistema di vacunacion ta bayendo hopi bon y te cu 22 di april tabatin 45 mil persona cu a vacuna cual ta mas o menos 54% di e poblacion cu Gobierno kier pa vacuna. Si reparti e grupo aki, 46.5% di esnan bou 60 aña ta vacuna y 72% di esnan riba 60 aña ta vacuna.

No a yega unda cu kier yega, sinembargo e ta bayendo den e bon direccion, Premier Wever - Croes a remarca.

Continuacion GOBIERNO TA ANUNCIA CAMBIONAN....

Cambionan maneho di Covid entrante dialuna 26 di april

- Cambio den orario di ciere: di 9or PM pa 10or PM
- Toque de Queda: di 10or PM pa 11or PM
- Gebiedsverbod: di 7or PM pa 7:30 PM
- Gymnan ta habri bek dialuna 26 di april segun protocolnan estricto
- Ta permiti Drive-by y Drive-thru (den caso di cumpleaño etc.)

Prome Minister a sigui splica cu a yega na e cambionan aki despues di tabatin hopi bon reunion cu e gremionan di e diferente areanan aki. Minister di Economia hunto cu gremio comercial y crisis team a delibera riba e pasonan pa mira con nan por yuda pa yega na e meta pa 85% di nos poblacion ta vacuna, pa mas o menos medio mei. Minister di Salubridad a reuni hunto cu crisis team y asociacion cu ta representa doñonan di gym, y a yega na hopi bon palabracion di con e gymnan por habri bek dialuna 26 di april.

"Comunidad di Aruba ta prioridad di Gobierno na e momentonan

aki. Pasobra si bin un brote, henter comunidad mester sacrific atrobe. Consecuentemente lo perde e recuperacion economico cu ta mirando, cual ningun persona kier", Premier Wever-Croes a expresa.

TEMPORADA DI ELECCION

Faltando 9 siman pa eleccion, no ta e momento pa tin flexibilisacion di medida considerando cu tin un average di 36 caso nobo pa dia.

Pa loke ta campañamento electoral, partidonan politico ta den consulta cu Cuerpo Policial tur siman. Na e momentonan aki por cana 'dos dos' den un barrio pero no bay paden, tambe por tene actividadnan den consulta cu Cuerpo Policial, manera cu a wordo palabra.

Mas lihe baha e cantidad di casonan activo, mas lihe e cantidad di pashentnan na hospital reduci y mas lihe comunidad ta vacuna, mas por flexibilisa e reglanan. Prome Minister ta haci apelacion na comunidad pa bay vacuna pa por yega na e porcentahe di 85% di comunidad vacuna, pa medio mei.



CAMBIO DI MANEHO

ENTRANTE DIALUNA 26 APRIL 2021

CIERE	TOQUE DE QUEDA	GEBIEDSVERBOD	EHERCICIO	DRIVE BY/ THRU
Cambio di orario di ciere: 10'or PM	Cambio di orario di Toque de queda: 11'or PM	Cambio di orario di gebiedsverbod: 7.30 PM	Gymnan ta habri segun protocol estricto	Drive-by / drive-tru ta bira posibel



Gobierno

Di Aruba



Prome Minister Evelyn Wever - Croes: 'BAN PARA HUNTO Y CONSTRUI E FUNDESHI CU NOS KIER MIRA ARUBA RIBA DJE'



Apesar cu Gobierno a anuncia e prome pasonan di flexibilisacion di reglanan di Covid entrante dialuna 26 di april, Premier Wever - Croes ta haci apelacion na comunidad pa sigui cuida pasobra e virus tey ainda. Cerando un siman, Prome Minsiter ta laga atras un mensahe pa nos comunidad enfatisando pa nos ta solidario cu otro y para hunto y construi e fundeshi cu nos kier mira Aruba riba dje.

"Solidaridad ta ora cu ta para cu otro den e lucha pa hiba bo pais dilanti. Mi ta convenci cu si nos ta solidario cu otro y yuda otro, nos por saca nos Pais dilanti. Esaki no ta un garantia, pero locual cu si ta garantisa ta, cu si nos ta dividi nos ta fracasa.

Claro cu por tin diferencia di opinion politico y/of otro diferencia di opinion, pero e no ta kita afo cu e amor cu nos cada uno ta sinti pa nos Pais Aruba mester por permiti nos pa ta solidario un cu otro. Yuda uno cu tin menos of cu mester di mas atencion y/ of conseho di con pa cuida su mes miho.

A sacrifica hopi y a haci hopi desde maart aña pasa. Tin hende a perde tur cos, tin hende a perde un ser kerí y tin hende a

perde nan entrada. No ban benta tur esaki afo simplemente pasobra ta fada of cansa. Ban sigui cuida y ban sigui mantene nos mes na regla pasobra ainda tin hopi trabou grandi pa haci.

Comunidad por mira cu tin mas desaroyo, tin mas turista ta drelando Aruba cu ta mas cu aña pasa y casi mesun hopi cu 2 aña pasa. Ademas tin perspectiva pa mehoracion den lunanan nos dilanti, ta mira desaroyo den infraestructura y desaroyo economico cu ta creando cuponan di empleo. Vacunacion tambe ta bayendo bon y ta mira e luz na final di e tunnel, pero pa un poco tempo ainda, e ta necesario pa sigui cuida.

Ban para hunto y construi e fundeshi cu nos kier mira Aruba riba dje. Un fundeshi fuerte, un fundeshi solido! Semper tin tempo pa diferencia di opinion politico, pa campaña y pa Gobiernonan nobo talves di otro constelacion y talves no. Pero e fundeshi cu nos crea hunto pa Aruba, esey lo saca nos di e pandemia aki. Ban sigui cuida, pa bo mes pa bo famia y pasobra bo stima Aruba".

Prome Minister Evelyn Wever-Croes: PROME MINISTER TA ENTREGA RAPPORT FORENSICO RDA NA PARLAMENTO



Diabierna atardi, Prome Minister Evelyn Wever-Croes a entrega e Rapport Forensico, cu a wordo haci riba RDA na Presidente di Parlamento, Señor Ady Thijsen.

Parlamento di Aruba na April 2020, durante un reunion publico, a haci e peticion aki pa medio di un mocion entrega considerando cu segun Parlamentarionan ya ta basta di scucha tur loke a pasa den e compania RDA y nan kier un rapport forensico. E rapport a tarda 3 luna y e pandemia tabata un factor grandi den e tardansa. Prome Minister a duna di conoce cu segun el a comprende, cu e falta di cooperacion di cierto actornan importante den e investigacion a causa tardansa tambe. Prome Minister a indica cu tur Parlamentario por lesa den e rapport cual ta e autornan cu no kier a coopera y cual ta e autornan cu a tarda e investigacion.

Riba e USB stick cu Prome Minister a entrega na Presidente di Parlamento, tin dos rapport di cual uno ta e rapport forensico mes riba tur loke a socode den RDA desde e incorporacion na October 2016 y feb 2018 cu Prome Minister a dicidi di cambia e hunta di comisario pa pone un paro na tur loke tabata pasando.

"Ta un aña y mei mas o menos caminda tabata tin 21 miyon florin den e compania (Valero) cu a desaparece den 16 luna. Ora

e suma di 21 miyon desaparece den e compania ta pasobra bo ta haya algo bek pero akinan no tin nada cu a haya bek. Ora bo puntra pa wak e contractnan di consultants, tampoco tin nada", Prome Minister a duna di conoce.

E di dos rapport ta esun di RDA na unda e 21 miyon florin aki a wordo gasta te cu Februari 2018. Tambe tin un rapport di IT pasobra na momento cu a cuminsa cu investigacion cierto hendenan a delete cierto filenan. Dus tin un rapport riba e computernan cu ta muestra cu tin cosnan ta pasando.

"Mi ta entrega e rapportnan aki na Parlamento awe y mi ta bisa tambe como Gobierno, como representante y accionista, cu mi a papia cu hunta di directiva na momento cu nan a entrega mi e rapport y mi a bisa nan pa asegura cu nunca mas e cosnan aki pasa den RDA y esnan responsabel mester wordo teni responsabel. Esaki ta hopi placa cu por a wordo uza den cosnan importante. Como Gobierno ami a pidi tambe Corporate Governance Commissie pa nan duna Gobierno conseho tambe pa asegura cu e cosnan aki no ta sosode den otro companianan estatal y pa percura cu nunca nan pasa. Mi a lesa kico tur a bay malo pero e importante ta cu nos a tuma accion", Prome Minister Evelyn Wever-Croes a termina bisando.

Continuacion PROME MINISTER TA ENTREGA RAPPORT FORENSICO....



Motie no. 1
Frachies MEP-POR-RED
OV # 18, dd. 9 april 2020
OLV # 932

PARLAMENTO DI ARUBA

STATEN VAN ARUBA

Ingek. 09 APR 2020

Volgez.: IS/641/19-20

MOCION

Parlamento di Aruba, den e reunion publico no. 18, ariba fecha di 9 april 2020, tocante di 'Ontwerp-landsverordening houdende machtiging van de ministers van Algemene Zaken, Integriteit, Overheidszorg, Innovatie en Energie, van Financiën, Economische Zaken en Cultuur en van Ruimtelijke Ontwikkeling, Infrastructuur en Milieu tot het aangaan namens het Land van een vaststellingsovereenkomst met CITGO Aruba Holding LLC, CITGO Aruba Refining N.V., CITGO Aruba Terminal N.V., CITGO Aruba Supply N.V., CITRO Aruba Marine Operations N.V., PDV Holding Inc. en Refineria di Aruba N.V. in verband met de beëindiging van de werkzaamheden van CITGO Aruba Holding LLC, CITGO Aruba Refining N.V., CITGO Aruba Terminal N.V., CITGO Aruba Supply N.V., CITGO Aruba Marine Operations N.V. in Aruba (IS/603/19-20, d.d. 27 maart 2020) (ZJ 2019-2020-932)' yama door di presidente di Parlamento, sr. mr. J.E. Thijsen.

Considerando cu:


- Tin un estudio forensico den Refineria di Aruba a wordo completa unda e resultadonan den draft a keda compila den un rapport.
- For di e rapport menciona anteriormente tin mas cu 21 miyon florin cu a bay "na cosnan cu no ta relata na refineria" (Richard Eman, Presidente Raad van Toezicht RdA, conferencia di prensa terminacion di e contract cu Citgo, 7 april 2020).
- Nos ta cita: "RdA a gasta of a firma y a paga mas cu 21 miyon florin den un aña dos luna, un aña tres luna den e periode a paga y esey tawata placa pa fieslanan, pa subsidionan, pa tur sort'i cos. Amigonan politico y e gastonan aki, e transfer y e pagonan akinan a wordo haci no solamente door di e directeur e tempo ey cual tabata Señor Koolman, pero e tabata, e mester a haya autorisacion di un di dos firma y e di dos firma aki tabata di Señor Richard Arends (...)" (Richard Eman, Presidente Raad van Toezicht RdA, conferencia di prensa terminacion di e contract cu Citgo, 7 april 2020).

Ta dicidi:

Pa urgi Gobierno di Aruba pa dentro di 4 siman RdA bin y informa parlamento riba e detayes di e mas cu 21 miyon florin y pa tuma e pasonan necesario pa cuminsa e proceso legal pa tene esnan responsabel di e suma di mas cu 21 miyon florin cu a wordo gasta "na cosnan cu no ta relata na refineria".

Y ta pasa pa orden di dia.

(Handwritten signatures and initials)

Continuacion PROME MINISTER TA ENTREGA RAPPORT FORENSICO....**FORENSIC SERVICES
CARIBBEAN****VERTROUWELIJKE RAPPORTAGE**

Refineria di Aruba (RDA) N.V.

I.a.v. de Raad van Commissarissen, de heer G.F. (Jr) Groes, Voorzitter

Caya Dick Cooper 11,

San Nicolas

Oranjestad, Aruba

Caya Dr. J.E.M. Arends 15 Suite 2-1
Oranjestad, Aruba
T: (+297) 586 3240Werfstraat 6
Willemstad, Curaçao
T: (+5999) 461 7974www.forensic-caribbean.com
contact@forensic-caribbean.com

Betreffende rapportage bijzonder onderzoek

Conform offerte FSA/18/BL/9999/229

,AANDEELHOUDER**,VERSIE 1.0**

Datum: 31 maart 2021

Ref. nummer: FSA/19/2972/JS/029

Versie: 1.0

Pagina's: 168

31 maart 2021



MINISTER DI FINANSA, ASUNTONAN ECONOMICO Y CULTURA

MINISTER XIOMARA MADURO

MINISTER DI CULTURA XIOMARA MADURO TA INVITA ARUBA PA CELEBRA DIA DI REY 2021

Por sigui e ceremonia protocolar via television



Diamars dia 27 di april lo celebra Dia di Rey, dia di cumpleaños di S.M. Rey Willem Alexander. E acto protocolar lo tuma luga na Parke Wilhelmina caminda tin un programa prepara caminda cu Presidente di Parlamento ta haya e oportunidad pa expresa palabranan di felicitacion na ocasion di cumpleaños di Su Mahestad na nomber di comunidad Arubano. Lo tin presentacion di canto y baile di gruponan hubenil. Pa motibo di e pandemia e evento lo tuma luga sin publico, pero si elo wordo transmiti na television pa comunidad por sigui esaki cuminsando pa algun minuut prome cu 9 or di mainta.

E Premio di entrega di Copa Hubenil Gobernador Felipe B. Tromp na un hoben of grupo hubenil cu a destaca durante e ultimo aña lo no tuma luga e aña aki pa e motibonan ya conoci di e pandemia.



Un apelacion na henter comunidad, comercio y departamentonan di gobierno pa hisa bandera riba Dia di Rey pa asina demostra nos aprecio pa Su Mahestad Rey Willem Alexander y Casa Real.

DEPARTAMENTO DI IMPUESTO TA CERA DIALUNA Y DIAMARS

En conexion cu un dia colectivo di ATV y Dia di Rey



Departamento di Impuesto ta participa cu su oficina principal na Camacuri como tambe tur otro oficina den distrito lo ta cera dialuna dia 26 di april 2021 y diamars dia 27 di april 2021. Esaki en conexion cu un dia colectivo di ATV y Dia di Rey.

Diaranson, dia 28 di april 2021, Departamento di Impuesto lo brinda servicio segun e orarionan di custumber. Departamento di Impuesto ta pidi tur contribuyente pa tumu bon nota di e cambio menciona pa evita cualkier inconveniencia.

ARUBA
vacuna

Vacuna ta un acto di solidaridad y responsabilidad colectivo. Niun por keda atras!

18+ ban vacuna pa nos por 'move on'!



Minister Dangui Oduber: E WEEKEND AKI LO ORGANISA 2 DIA NACIONAL DI VACUNACION



Minister di salubridad Publico Sr. Dangui Oduber ta anuncia cu den cuadro di nos Campaña Nacional di Vacunacion, diasabra y diadomingo awo dia 24 y 25 di april, Aruba lo realiza su prome VACUNATHON! E Vacunathon ta unicamente pa aplicacion di e prome dosis di e vacuna.

E meta di e dos dianan aki ta pa logra vacuna 10 mil ciudadano contra COVID-19. Vacunacion ta un acto di solidaridad y reponsabilidad conhunto. Niun hende por keda atras! Tur persona mester wordo proteha, sea door di tuma e vacuna nan mes of door di e comunidad ora di logra e inmunidad colectivo.

Mirando e desaroyo cu ta tumando lugar cu e virus di COVID-19 caminda a keda comproba cu e variantenan cu tin y

principalmente e variante Britanico, ta afectando e personanan mas jong. Gobierno a dicidi pa cambia e enfoke riba e grupo di 18 pa 60 aña mirando cu ya caba a vacuna mas di 60 % di esnan riba 60 aña. Pesey diasabra y diadomingo awo dia 24 y 25 di april ta haci un yamada na henter e comunidad y principalmente esnan entre 18 y 60 aña pa bin na e localidad nan di prik pa vacuna.

E localidad nan di prik ta: Teresita Center na San Nicolas - Centro Libertador Betico Croes - Don Bosco Club na Noord of Ritz-Carlton hotel for di 9or am pa 4or pm 'NON STOP'.

Nos ta warda bo cu bo carchi di AZV!

VACUNATHON

SEA PARTI DI E SOLUCION

WALK-IN/CANA-KIBRA
NA E SIGUIENTE CENTRONAN DI
VACUNACION


**Diasabra 24 y
diadomingo 25 di april**

di 9:00 am pa 4:00 pm (non stop)

18+

Mester tin carchi di AZV of Paspoort

UNICAMENTE PA PROME VACUNA



Hunto nos ta vence COVID-19...

Positive vibes




CENTRONAN DI VACUNACION



THE RITZ-CARLTON

Noord


Diasabra y diadomingo awo
9:00 am - 4:00 pm (non stop)



CLUB DON BOSCO

Noord

Diasabra y diadomingo awo
9:00 am - 4:00 pm (non stop)



CENTRO DEPORTIVO LIBERTADOR BÉTICO CROES

Santa Cruz


Dialuna pa Diasabra
8:30 am - 7:30 pm (non stop)




SANTA TERESITA CENTER

San Nicolas

Dialuna pa Diabierna
8:30 am - 11:30 am | 1:30 pm - 4:30 pm



DVG



HOH daily info COVID-19



UPDATE 23 April 2021

ADMITTED COVID-19 PATIENTS


ICU WARD	
TOTAL	
15	
LOCAL	9
NON-LOCAL	6

NURSING WARD	
TOTAL	
17	
LOCAL	17
NON-LOCAL	0

COVID-19 SUSPECTED

ICU WARD	NURSING WARD
1	1

REPRESENTANTE DI UNESCO ARUBA, A DUNA UN PRESENTACION VIRTUAL DURANTE FORO DECADA DI CIENCIA OCEANICO PA DESAROYO SOSTENIBEL



Diabierna 9 april 2021, dr. Marck Oduber a representa Ministerio di Educacion, Ciencia y Desaroyo Sostenibel y UNESCO Aruba na e "Foro Decenio de las Ciencias Oceánicas para el Desarrollo Sostenible en Colombia".

E forum di alta-nivel aki tabata relaciona cu lansamento di e decada di ciencia oceanico pa desaroyo sostenibel na Colombia, unda diferente dignitario Colombiano, expertonan internacional y Prins di Monaco a hiba palabra. E forum virtual aki a wordo retransmiti den varios red social tambe.

Dr. Marck Oduber a cubri e parti di e decada oceanico relata na e islanan chikito den desaroyo, principalmente Aruba. E decada oceanico ta busca garantisa cu ciencia di lama por apoya gobiernonan, universidatnan, industria y organisacionnan no gubernamental den tuma decisionnan adecua relaciona cu maneho di lama, y pa asina contribui na e metanan di desaroyo sostenibel 2030. Den e cuadro aki lo genera datonan, informacion y conocimiento necesario pa asina politiconan por tuma decision basa riba datonan científico duradero y di calidad, y pa asina nan no basa nan mes ariba un sistema ad-hoc o basa nan mes riba datonan no cualifica. Esaki ta un di e motibonan tambe cu e paisnan grandi y paisnan den regio, manera Colombia ta trahando duro pa promove e decada di ciencia oceanico pa desaroyo sostenibel 2021-2030.

E decada di oceano lo contribui na e realisacion di e agenda 2030 di Nacionnan Uni pa cu desaroyo sostenibel. Mas cu un ehercicio científico, e decada ta purba transforma sociedad mediante innovacion científico y tecnologico. E decada tin seis obhetivonan concreto:

- Un oceano limpi, unda ta identifica y elimina e fuente nan di contaminacion;
- Un oceano sano y resistente, unda e ecosistemanan marítimo ta wordo poni riba mapa y ta protegi;
- Un oceano predecibel, unda sociedad por comprende e condicionnan actual y condicionnan den futuro;

- Un oceano sigur, unda personanan ta protegi di peligros marítimo;
 - Un oceano sostenibel y productivo, cu por keda provee cuminda;
 - Un oceano transparente y accesibel, unda tin acceso abierto na e datonan, informacion y tecnologia di lama.
- No ta tur pais tin e infraestructura científico, tecnologico y academiconan adecua, pa por yega na e deseonan di e decada oceanico. P'esey durante e decada oceanico UNESCO lo yuda aumenta capacidad na paisnan pover y islanan chikito den desaroyo pa asina nan tambe por yega na e deseonan di e decada oceanico. E decada oceanico su metanan mester wordo realisa pa 2030.

Na Aruba, Ministro di Educacion, Ciencia y Desaroyo Sostenibel tambe tin e obhetivonan di e decada oceanico como un prioridad, y ta haya necesario pa Aruba participa activamente den e decada di oceano. Aruba ta un isla chikito cu un territorio marítimo hopi mas grandi cu e isla mes. Pues lama ta un parti importante pa nos desaroyo.

LANZAMIENTO
DECENIO DE LAS CIENCIAS OCEANICAS
PARA EL DESARROLLO SOSTENIBLE
EN COLOMBIA

9 de abril del 2021
 8:00 a.m.

Transmisión en vivo por el canal de YouTube Comisión Colombiana del Océano

II BLOQUE TEMÁTICO: REGIONAL

César Toro
 Jefe de la Secretaría Regional de la CO-UNESCO para IUCARIBE

S.E. Mentor Patricio Villagómez Meño
 Secretario General de la Comisión Permanente del Pacífico Sur

III BLOQUE TEMÁTICO: EXPERIENCIAS INTERNACIONALES

Karen Silverwood-Cope
 Coordinadora General de Océano, Antártida y Geociencias del Ministerio de Ciencia, Tecnología, Innovación y Comunicación de Brasil

Larry Mayer
 Presidente del Comité del Decenio de las Ciencias Oceánicas para el Desarrollo Sostenible de Estados Unidos


Marck Oduber
 Especialista del Programa de Ciencias de la Comisión UNESCO del Ministerio de Educación Ciencia y Desarrollo Sostenible de Aruba

Logos: 2023 Decenio de las Naciones Unidas de las Ciencias Oceánicas para el Desarrollo Sostenible, El Gobierno de Colombia, Comisión Colombiana del Océano, Armada de Colombia, ARUP, UNESCO, Ministerio de Defensa Nacional, Dirección General Marítima, Autoridad Marítima Colombiana, CEMarin, and others.

ARUBA DEN EXPECTATIVA PA VACUNATHON

Comunidad di Aruba ta preparando pa e weekend grandi di vacunacion, unda cada un di nos como ciudadano ta bay contribui na proteccion di nos propio salud, di nos famia, nos prohimo y na recuperacion di nos dushi pais Aruba. A yega e momento pa nos sali di e Crisis aki. Awo ta e ora pa 'Move on' den direccion di prosperidad atrobe.

Yega tur esnan cu 18 aña of mas dia 24 of 25 di april for di 9or di mainta te cu 4or di atardi na e localidad mas serca dibo sea na Ritz Carlton Hotel, Don Bosco Club na Noord, Centro Libertador Betico Croes of Teresita Center y ricibi bo prome dosis di vacuna pa nos salud y recuperacion. Bin cu bo carchi di AZV, si bo no tin AZV pero ta biba na Aruba pa mas cu 6 luna sea legal of ilegal trece bo paspoort. Yega 'Walk Inn' Aruba mester dibo.



Departamento di Salud Publico:

UPDATE 23 DI APRIL 2021


Segun resumen di awe 45 persona a recupera, a registra un total di 34 caso nobo di Covid-19, di cual 10 ta no-residente. E cantidad total di testnan ehecuta ayera na e diferente localidadnan na Aruba, entre otro laboratorio di hospital, laboratorionan priva y aeropuerto ta 980 test. 'Postivity rate' entre nos residentenan ta 17%.

Casonan activo pa awe ta 339, cantidad di fayecido relaciona cu Covid-19 a aumenta na 97. Forsa na famia di e fayecido.

Hospital ta informa cu tin un total di 32 persona interna di cual 15 ta den Cuido Intensivo y 17 riba unidad general di covid.

  ARUBA COVID-19			
23/4/2021	TOTAL	RESIDENTE	NO-RESIDENTE
Casonan Nobo	34	24	10
Activo	339	289	50
Recupera	10069	9337	732
Positivo	10505	9722	783
Negativo	132857	-	-
Getest	143911	-	-
Getest na Airport	95821	-	-
Morto	97	96	1





Un Feliz Fin di Siman

GABINETE WEVER-CROES

ISLA ONLINE

NOTICIA DI GOBIERNO